

Олна малд хойр джилд күрх хот белдхмн

20 минъгън гектар газрт өвс хадчкв

Приозерн района, "Сухоти-
нский" совхоз 20 минъгън
гектар газрин агъуд өвс хад-
чкв. Терүнәсн 11 минъгън
гектар газрт скирдләд хурач-
кв.

Социалистическ дөрлдәнд
2-ч номертә ферм (залгчнь ур
О. Мутлаев) негдгч орм эзлв.
Эн ферм 7 минъгън гектар
газрт өвс хадв. Терүнәсн 4
минъгън гектаринь скирдлчкв.

Эн фермин тракторист ур
Г. Сухотаев өдр болгън 60
тонн өвс скирдлнә (өдрә кем-
джән 25 тонн) Тракторист
ур А. Егоров өвс хадлгъна
көдлмшт шултта кевәр көд-
лджәнә. Нам тер дотр ур
Егоров гартан бәрсән кедж
күцәдг күн.

Ола эн тракторист прес-
подборщикар өвсиг цуглулдж,
шахджана. Кемр өвс шахдж
боолг сунъгъуг уга болсн цаг-
т хара бәәджәхмн уга. Тер
алднд эврәннь тракторарн йо-
вулдж, өвс мааджурддж ков-
ныглна.

Өдрән 10 тонн өвс шахк
даалгъврта, терүгән давулдж
күцәхин кергт күчн-чидлән
нөл уга көдлсн учрт, өдртән
25—30 тонн өвс шахдж боона.

Социалистическ дөрлдәнд
1-ч номертә ферм (залгчнь ур
С. Богаев) хойрдгч орм эзлв.

Эн ферм 5 минъгън гектар
өвс хадв, скирдлсн өвснь бо-
лхла 800 тонн болдж гарв.

Өвс хаддж, хурадж йовх
механизатормуд өдрә кемдж-
әгъән 150—180 процент күцә-
нә. 1-ч номертә фермин көд-
лмшчнр эврәннь күчн-чидлән-
ри, хадсн өвсиг гарар-скирд-
лдж йовна. 2-ч номертә ферм
өвс овалаг хойр машигъар
скирдлсн бийнь, 1-ч номертә
фермәс багъар скирдлсн бәә-
нә.

3-ч номертә ферм (залгчнь
ур Ключин) өвс хадлгъиг,
ковныгллгъиг болн скирдлгъ-
иг йир хашнъгар кеджәнә.
Зәрм өдрт 10 гектар газрт өвс
скирдлнә.

Өвс хадлгъиг, хуралгъиг
юнъгад иим хашнъгар кедж-
әхмб гихлә, парторг ур Ключ-
шин өвс хадлгънд көдлджәх
механизатормуд, көдлмшчнр
дунд цәәлгъврин көдлмш су-
лар кеснә, соцдөрлдәнә йов-
удин дигиг цаглань эс кеснә
болн боевой листокс энд эс
гаргъгдг учрар, 3-ч фермин өвс
хадлгъна, хуралгъна көдлмш
ард хоцрдж йовна.

Олна малд хойр джилд күр-
х хот белддж авхин төлә
өвс хаддж, хурадж авлгъна
көдлмшиг түргдүлх кергтә.

П. ГАЛЕНКО.